

金

石

萃

編

金石萃編卷二十七

賜進士出身 誥授光祿大夫刑部右侍郎加七級王昶撰

北魏一

洛州鄉城老人造像碑

碑高三尺八寸廣一尺七寸五分十三行行二十三字正書

像主吉萬歲副像主張孝舒副像主王德閔□□□□

士□王政則孫德信趙□□□舍樂 □福劉□□□

□□卿沈□□沈士公韓君遠汪謙之曹□□尋世達

趙世□□□□□善李四朗曹善信郭善積汪孝養

張君彥張世師清信 清信女楊清信女李清信

女口清信女成清信女陳清信女口

其詞曰 夫法界無相相口十方旨趣無言言而法界

故入口有口大悲以濟羣生出口口行六度而除八難

是以前馳羊口後 口牛口使智水無口愛河永竭然

口王啟請口滅雙林正化隨遷口煩無救但口口思

念靡口真形口斯口心鑄茲神狀今吉萬歲卅四人等

口口敬造 尊儀一龕上祚 皇家口口靈識頌曰

出有口口口機不見出空入口口口為先不來不去無

動無遷妙矣口口口能惻焉口園口起口口息言鑄口

口容萬代流口

大口口口十口年正月廿一日功訖

按碑多殘缺末年月一行祇存大字下缺三字下是十字下缺一字下是年字蓋大魏某某十幾年也下乃云正月廿一日功訖魏時紀年之多者惟北魏之太和西魏之大統碑題洛州鄉城魏書地形志洛州太宗置太和十七年改爲司州天平初復天平乃東魏孝靜帝紀元祇四年同時惟西魏文帝大統有十七年然洛州旣爲孝靜所復則立碑不應系以大統年號似是孝文帝太和十七年改司州以前所立也宜附列之碑有像主更有副

像主文稱吉萬歲等卅四人而姓名可見者十六人清信女六人而已

孝文弔比干墓文

碑高七尺七寸廣四尺一寸二十八行行四十六字正書在汲縣比干廟

孝文皇帝弔殷比干墓文

維皇構遷中之元載歲御次乎闕茂望舒會於星紀十有四日日維甲申予揚和淇右蹠馴鄒西指崧原而搖步順京途以啟征路歷商區輶扇衛壤泛目睇川縱覽觀陸遂俯睨古跡游瞰曩風視殷比干之墓悵然悼懷焉乃命馭駐輪筵驥躬囑荆棘荒朽工爲綿蕞而遺歆

明密事若對德慨狂后之猖穢傷貞臣之婞節聊興其  
韻貽弔云爾 日三才之肇元子敷五靈以扶德含  
剛柔於金木子資明闇於南北重離耀其炎暉子曾坎  
司黜以秉黜伊稟常之懷生子昏睿遞其啟則晝咬咬  
其何朗子夜幽幽而致弊哲人昭昭而澄光子狂夫黜  
默其若鱗咨堯舜之耿介子何桀紂之猖敗沈湎而不  
知甲子終或已以貽戾蹇蹇子比干藉冑子殷宗含精  
子誕粹寘樹子英風稟蘭露以滌神食棗英而儼容茹  
薛荔以蕩識佩江離而麗躬履霜以結冰子卒寤忠而  
弥濃千金豈其吾珍子皇舉寤余所鍾奮誠諫而燼軀

子導危言以鼎鋒嗚呼哀哉嗚呼哀哉惟子在殷實爲  
樑棟外贊九功內徽辰共匡率衰職德音遐洞周師還  
旆非子誰貢否哉悖運遭此不辰三綱道沒七曜輝泯  
負乘竊器怠棄天倫懷誠齋怒讜言焉陳鬼侯已醢子  
不見歟邢侯已脯子不聞歟微子去矣子不知歟其子  
奴矣子不覺歟何其輕生一致斯歟何其愛義勇若歸  
歟遺體旣灰不其惜歟永矣無返不其痛歟嗚呼哀哉  
嗚呼哀哉夫天地之長遠子嗟人生短多殃住者子弗  
及子來者子不厭當胡契闢之屯豈子值昏化而永良  
焉不相時以卷舒子徒委質而廢亡雖虛名空傳於千

載詎何勳之可揚矣若騰魂以遠逝飛足而歸昌得比  
肩於尚父卒同協於周王建鴻績於盛辰啟肯宇於齊  
方闡穆音乎萬祀傳冤業以脩長而乃自受茲斃視竅  
殷亲剖心無補迷機喪身脫非武發封墓誰因嗚呼介  
士胡不我臣 重曰世懔懔而溷濁予日藹藹其無  
光時坎廩而險隘予氣僚颺以飛霜子奚其不遠逝予  
侘傺而趾故鄉可乘杵以浮滄予求蓬萊而爲棖銜芝  
祿以昇虛予與赤松而翱翔被芰荷之輕衣予电快容  
之蒨裳循海波而澍颺予望會稽以歸禹紉蕙芷以爲  
紳予扈荃佩而容與寫鬱結於聖人予暢中心之祕語

執垂益而談卡子交良朋而憶苦言旣而東騰子吸朝霞而長舉登岷巖而悵望子眺扶桑以佇佇謁靈威以問路子乘谷風而扳宇遂假載於羲和子馮六螭以南處翫衡嶽而顧步子濯沅湘以自潔嚼炎州之八桂子踐九疑而遙輿卽蒼梧而宗舜子拂埃霧以就列採輕越而肅帶子切賚犀以貫介訢淳風之淪覆子話蕭韶之湮滅召熊狸而叙釋子問重華之風桀尔乃飲正陽之精氣子遊丹丘而明視捐祝融而求鳥子御朱鸞以倚指因景風而凌天子迴靈鷲以西顧降黃潛而造穰子慰稼穡之艱難訪有郃之詵詵子遇何主而獲安然

後陟崑崙之翠嶺子擘瓊枝而槃桓步懸圃以瀟灑子  
咀玉英而折蘭歷崦嵫而一顧子府沐髮於海盤仰從  
倚於閶闔子請帝闢而啟闕天沈寥而廓落子地寂溘  
而遼闊滄淪陰以裊氣子佩瑤珥而鳴鏘拜招矩而脩  
節子少躊躇以相羊祈駟驥而總轡子隨泰風以颺揚  
瞰不周而左旋子縱神駟以北望尋流沙而騁轡子暨  
陽周以縶駕靡芸芳以馥體子索夷杜而桓衙奉軒轅  
而陳辭子申時俗之不暇適岐伯而脩命子展力牧以  
問霸歛沆漚之純粹子闕寒門之層冰聆廣莫之颼瑟  
子覲黔羸而迴凝擁鑿武以涉虛子允神寘而威陵象

暖暉而晻鬱于途曼曼其難勝笑飛廉而前驅于使燭  
龍以輝澄歸中樞而睇睨于想應漠之已周慨飛魂之  
無寄于飄飄袂而上浮引雄虹而登峻于揚雲旗以軒  
遊躍八龍之蜿蜿于振玉鸞之啾啾舉彗星以朗尊于  
委升軻乎大儀敖重暘之帝官于凝精魄於旋曦扈陽  
曜而靈脩于豈傳說之足奇但至慨之不悛于寧溢死  
而不移

碑陰

陰共四列均二十八行上三列皆書各官姓名  
第四列元吳處厚撰碑陰記行十五字並正書

使持節驃騎大將軍都督司豫荊郢洛東荆六州諸軍

事開府司州牧咸陽王口河南郡元本

侍中司徒公都督中外諸軍事太子太師駙馬長樂郡

開國公臣長樂郡馮誕

使持節司空公太子太傅長樂公臣河南郡丘目陵亮

特進太子太保廣陵王臣河南郡元羽

侍中始平王臣河南郡元總

兼尚書右僕射吏部尚書任城王臣河南郡元澄

散騎常侍祭酒光祿勳卿高陽伯臣河南郡元徵

太子右詹事姑臧伯臣隴西郡李韶

散騎常侍北海王臣河南郡元詳

散騎常侍領司宗中大夫臣河南郡元景

散騎常侍臣河南郡元纂

右衛將軍臣河南郡元翰

光祿大夫錄太僕少卿臣高陽郡李堅

中常侍中尹高都子臣上黨郡秦松

驩驤將軍臣河南郡大野慈

司衛監臣河南郡元判

司衛監臣河南郡万恠于勁

員外散騎常侍光祿勳少卿黃平子臣河南郡丘日陵

純

兼司衛監少府少卿臣魏郡□□

給事黃門侍郎臣太原郡郭祚

給事黃門侍郎領著作郎臣清河郡崔光

典命中大夫太子中庶子臣廣平郡游肇

羽林中郎將臣河南郡侯莫陳益

員外散騎常侍帶昌興給事中臣河南郡丘自陵惠

太子率更令襄陽伯臣河南郡元尉

給事中臣河南郡乙旃恬

給事中臣河南郡乙旃免

給事中臣河南郡郁久閭麟

以上第一列

右軍將軍臣河南郡元宜

太樂給事臣長樂郡衛況

給事領太醫令臣高平郡李循

給事臣河南郡侯文福

給事臣河南郡万恂乎狩

中給事錄大官令臣上黨郡白勅

中給事臣高陽郡劇錫

射聲校尉臣河南郡元洛平

顯武將軍臣河南郡万恂乎吐拔

直閣武衛中臣高車部人斛律慮

直閣武衛中臣河南郡乙旃阿各仁

直閣武衛中臣河南郡俟呂阿倪

直閣武衛中臣河南郡叱羅吐蓋

直閣武衛中臣上谷郡董明惠

直閣武衛中臣代郡若千侯莫仁

直閣武衛中臣河南郡乙旃應仁

直閣武衛中臣河南郡吐難婁命

直閣武衛中臣上谷郡張代連

長兼典命下大夫齊郡王友臣趙郡李預

兼給事黃門侍郎員外散騎侍郎口屬國下大夫臣太原郡王翔

白衣守尚書左丞臣遼東郡公孫真

散騎侍郎東郡公臣河南郡陸昕

散騎侍郎臣河南郡郁久閭敏

散騎侍郎臣中山郡甄琛

中壘將軍帝口聞令臣廣平郡游綏

中黃門令帝典農令臣口德郡雙蒙

以上第二列

宰官令臣河南郡伊婁頓

大官令鉅鏡伯臣口口舉祐

監御令臣河南郡莫耐婁悅

符節令臣代郡賀拔舍

通直散騎侍郎臣河澗郡邢巒

通直散騎侍郎臣京兆郡韋纘

武騎侍郎口口陵令臣高平郡徐丹

武騎侍郎臣河南郡獨孤遙

武騎侍郎臣上谷郡張覃

武騎侍郎臣河南郡乙旃侯莫干

武騎侍郎臣河南郡万世平澄

武騎侍郎臣趙郡李華

符璽郎中臣河南郡拔拔臻

符璽郎中臣上谷郡張慶

員外散騎侍郎臣博陵郡崔廣

員外散騎侍郎臣博陵郡崔逸

員外散騎侍郎臣河南郡陸祐道

尚書郎中員丘男臣清河郡傅裕期

尚書郎中臣熒陽郡鄭長遊

尚書郎中臣清河郡崔哲

尚書郎中臣河東郡裴映

尚書郎中臣遼東郡高規

尚書郎中臣趙郡李引

尚書郎中臣河內郡司馬定

尚書郎中臣南陽郡朱孟孫

尚書郎中臣蘭陵郡蕭彥

尚書郎中臣趙郡李良軌

尚書郎中臣河東郡柳崇

以上第三列

碑陰記

會稽齊唐言爲兒時嘗登秦望山見李斯所篆紀功

碑其字尚可辨及壯仕宦周游四方歸已老矣則碑  
不復見又余嘗西征道出函潼之間丘冢纍纍相望  
不絕而斷碑尤多類皆錢去書換者之姓名使過客  
弗復視則縣道免須索之勞鄉民無供給之費故或  
以摧泐爲辭或以震霹爲解以致與文音迹多淪於  
瓦礫糞壤亦可惜也汲郡比干墓舊有元魏高祖弔  
文一篇摸鏤在石其體類騷其字類隸久已爲鄉人  
毀去賴民間偶存其遺刻首云惟皇構遷中之元載  
歲御次乎閏茂望舒會於星紀十有四日日惟甲申  
今以史譜考之是歲實太和十八年都洛之始年也

故云元載而歲在甲戌故云閏茂月旅仲冬故云星  
紀朔次辛未故十有四日日惟甲申距今元祐之庚  
午幾十周甲子合五百九十七年歷西魏後周隋唐  
五代喪亂多矣幸遇 聖辰再獲刊勒固知興廢自  
有數也噫已摧而復崇已泯而復彰使萬世忠精之  
魄當與天地齊久不亦美歟按高氏小史亦載其文  
以嗚呼介士爲嗚呼分士字之誤也今宜從此碑介  
士爲正元祐五年秋九月十五日左朝請郎知衛州  
吳處厚記

右承議郎通判宋适立 承事郎致仕林舍書

助教劉士亨撰刊

太和十八年十一月車駕幸鄴甲申經比干之墓傷

其忠而獲戾親爲弔文樹碑而刊之

魏書高祖紀

河北道衛州汲縣比干墓在縣北十里餘有石銘題

云殷大夫比干之墓魏太和中孝文帝南巡親幸其

墳弔焉刊石于墓

太平寰宇記

後魏孝文弔比干文其首已殘缺惟元載字可識其

下云歲御次乎闕茂望舒會于星紀十有四日日惟

甲申按爾雅云歲在戊曰闕茂又鄭康成注月令仲

冬者日月會于星紀後魏書孝文以太和十八年十

一月甲申經比干墓親爲弔文樹碑而刊之是歲甲戌其說皆合其未嘗改元而稱元載者孝文以是歲遷都洛陽蓋以遷都之歲言之也 碑陰盡紀侍從

羣臣官爵姓名按後魏書官氏志邱穆陵氏後改爲穆氏今此碑自侍中邱目陵亮以下同姓者凡三人字皆作目而元和姓纂所書與此碑正同又碑自穆崇至亮皆姓邱目陵氏姓纂亦云後改爲穆而史但云姓穆者皆有闕誤

金石錄

魏書劉芳傳高祖遷雒路由朝歌見殷比干墓愴然悼懷爲文以弔之芳爲注解表上之卽此文也此碑

字多別構如蔑爲蕝蔽爲藜菊爲藥寔爲寔箕子爲  
糞子往爲住厥爲屨遭爲亶顛爲巔幸爲亲因爲回  
桴爲枰駟爲駟曳爲屯芙蓉爲扶容葩爲葩漂搖爲  
灑颺慮爲攄螭爲螭裔爲稟帶爲帶訴爲訴雖爲鴉  
瀏爲溜俯爲府闔爲闔駟虞爲駟驥隨爲隨響爲壘  
吸爲歛闕爲闕睇爲睇不可勝記顏氏家訓言晉宋  
以來多能書者故其時俗遞相染尚所有部帙楷正  
可觀不無俗字非爲大損至梁天監之閒斯風未變  
大同之末訛替滋生蕭子雲改易字體邵陵王頗行  
僞字前上爲井能旁作去之類是也朝野翕然以爲

楷式畫虎不成多所傷敗爾後墳籍略不可看北朝

喪亂之餘書迹鄙陋加以專輒造字猥拙甚於江南

乃以百念為憂言反為變不用為罷追來為歸更生

為蘇先人為老如此非一徧滿經傳追來為歸見後

蘇先人為老見張猛龍碑作魁更生為蘇今人猶用

之多作偽字始以巧言為辨至隋有神言其字又以

孔易巧矣同學記問亦以此又云以文子為學

觀此碑則知別體之興自是當時風氣而孝文之世

即已如此不待喪亂之餘也江式表云皇魏承百王

之季世易風移文字改變篆形錯謬隸體失真俗學

鄙習復加虛巧談辨之士又以意說炫惑於時難以

釐改後周書迫文溪傳太祖以隸書紕繆命文溪與  
黎景熙沈遐等依說文及字林刊定六體成一萬餘  
言行於世蓋文字之不同而人心之好異莫甚於魏  
齊周隋之世別體之字莫多於此碑雜體之書莫過  
於李仲璇而後之君子旋覺其謬自唐時國子監置  
書學博士立說文石經字林之學而顏元孫作千祿  
字書張參作五經文字唐元度作九經字樣天下之  
文始漸歸于一矣顧此以二碑出於千世之遠而與  
孔壁之文蘭臺之典同什襲而寶之豈不可笑也哉  
雖然此碑不傳則唐人正字之功不得而著乎千載

也存之以示後人使知趣舍云爾 又考魏書道武

帝天興四年十二月集博上儒生比叔經文字義類

相從凡四萬餘字號曰叔文經太武帝始光二年三

月初造新字千餘頒之遠近以爲楷式天興之所集

者經傳之所有也始光之所造者時俗之所行而叔

文經之不及收者也則知說文所無後人續添之字

大都出此三國志注引會稽典錄言孫亮時有山陰

朱育依體像類造作異字千名以上是別撰之字自

漢而有矣

金石文  
字記

崔浩之爲國書也皆自書刻石當時被毀卽拓者不

可得見惟弔殷比干文傳爲浩書今猶存衛輝府城外比干墓上字體奇怪他碑所無似楷似隸因以見當時筆法之遞變點畫多少如棘之爲蕨稟之爲藁綱之爲網焉之爲烏魂之爲魂不可枚舉多是古法賴廣見聞乃顧亭林翻爲紕繆莫有甚於此者書生不深究以識難字爲厭亦可發嗚噓也此則臨汝帖所刻撮拾四句前句是第四句二句是第三句便見王輔道之乖舛伯思之譏有由來矣

隱綠軒題識

水經注云太和中高祖孝文皇帝南巡親幸比干墓而加弔焉刊石樹碑列于墓隧矣一清按是碑文載

太師比干錄及衛輝府志文繁不錄金石錄云碑首殘缺惟元載字可識今其碑云惟皇構遷中之元載正以宅洛之歲言之也

水經注釋

按高祖孝文帝以太和十八年十一月十九日己丑自代遷都洛陽先於十四日甲申經比干墓爲文弔之而刊此碑也碑敘道里所經淇右鄘西商區衛壤睇川觀陸迢遞詳明惟謂比干爲虛名干載無動可揚奚若騰魂遠逝飛足歸昌比肩尚父同協周王云云則雖哀比干之忠而重違其志矣當時因感夢旣弔比干復祭嵇紹次年又以太牢

祭比干語在本紀及元澄傳碑陰列諸王從臣八  
十二人其後開元封禪摩崖之例殆昉於此歟諸  
王之名冠以元字高祖紀太和二十年春王正月  
丁卯詔改姓爲元氏据此碑則十八年已著爲元  
矣抑或撰文在前書碑陰在二十年之後耶首行  
闕三字名存左旁示以魏書列傳證之則咸陽王  
禧也禧字永壽高祖長弟太和九年封加侍中驃  
騎大將軍將還州加都督冀相兗東兗南豫東荆  
六州諸軍事開府如故可補碑之闕也廣陵王元  
羽字叔飜高祖次弟太和九年封加侍中征東大

將軍加衛將軍遷特進尚書左僕射又爲太子太保錄尚書事加使持節兼太尉十八年春羽表辭廷尉不許碑但稱特進太子太保而已始平王元勰字彥和亦次弟太和九年封加侍中征西大將軍轉中書令改封彭城王傳無改封之年据碑則當在十八年後矣任城王元澄字道鎮乃任城王雲長子襲封加征北大將軍梁州刺史加侍中轉征東大將軍開府徐州刺史後徵爲中書令改授尚書令加撫軍大將軍太子少保兼尚書左僕射從幸鄴宮除吏部尚書還洛後兼右僕射今碑但

稱兼尚書右僕射吏部尚書而已北海王元詳字  
李裕高祖弟太和九年封加侍中征北大將軍後  
拜光祿大夫兼侍中從南伐爲散騎常侍轉祕書  
監趙郡王幹薨行司州牧除護軍將軍兼尚書左  
僕射碑但稱散騎常侍而已長樂公馮誕尚高祖  
妹樂安公主拜駙馬都尉侍中征西大將軍平南  
王又除儀曹尚書罷庶姓王誕爲侍中都督中外  
諸軍事中軍將軍特進改封長樂郡公十六年爲  
司徒加車騎大將軍太子太師碑但稱侍中司徒  
公都督中外諸軍事太子太師駙馬長樂郡開國

公而已李堅秦松竝見闕官傳堅字次壽高陽易  
人高祖遷洛授爲太僕卿世宗初拜光祿大夫數  
年卒碑則云光祿大夫錄太僕少卿是堅在高祖  
朝已拜光祿大夫矣史與碑不合松不知其所由  
太和末爲中尹遷長秋卿賜爵高都子碑則已云  
中常侍中尹高都子矣不待太和末也游肇字伯  
始明根之子廣平任人高祖初爲內祕書侍御中  
散司州初建爲都官從事轉通直郎祕閣令遷散  
騎侍郎典命中大夫遷太子中庶子正與碑合碑  
之見於史者如此餘若大野慤万忸于勁侯莫陳

蓋乙旃恬乙旃免郁久閭麟万性乎若万性乎吐  
拔乙旃阿各仁侯呂阿倪叱羅吐口若干侯莫仁  
乙旃應仁吐難萇命郁久閭敏伊婁願莫耐婁悅  
乙旃侯莫干万性乎澄拔拔臻魏書官氏志有勿  
性于當卽万性于亦卽万性乎有乙旃氏獻帝命  
叔父之子孫曰乙旃氏當卽乙旃恬諸人也又有  
侯莫陳有叱羅有若干有土難當卽吐難有大莫  
干或卽侯莫干又据魏書傳有侯莫陳悅稱其父  
爲婆羅門北史傳有叱羅協代郡人附見宇文顛  
傳周書有若干惠保代郡武川人又有伊婁穆代

人隋書又有伊婁謙鮮卑人皆是族事蹟之見于  
史者餘未有考

### 始平公造像記

連額高二尺八寸廣一尺七寸四分十行行一十字  
額題始平公像一區並陽文正書在洛陽老君洞

夫靈蹤口啓則華宗靡尋容像不陳則崇之必口方以  
真口口於上齡遺形敷于下葉暨于大代茲功厥作比  
丘慧成自以影濯塵涼邀逢昌運率竭誠心爲國造石  
窟口口系蒼皇恩有資來業父使持節光口大夫洛州  
刺史始平公奄焉薨放仰口顏以摧躬口匪烏在口遂  
口亡父造石像一區願亡父神飛三口智周十地口口

照則方□□□震慧嚮則大千斯□元世師僧父母眷  
屬鳳翥道場鸞騰兜率若悟落人閒三槐獨秀九棘雲  
敷五口羣生成同斯願

太和廿二年九月十四日訖 朱義章書孟達文

始平公造像記額云始平公像一區區字不从土知  
元寧作堰者俗字也碑寫啟爲啓渴爲渴豕爲豸棘  
爲棘皆別字字之變體莫甚于六朝故備論之也

金石記

始平公造像記用碁子格陽文凸起石刻所希有也  
其文稱父使持節 缺 大夫洛州刺史始平公奄焉

汝印缺後云亡父造像一區考隋書元孝矩祖修義

父子均並爲魏尚書僕射孝矩西魏時襲爵始平縣公然則此記始不公當太和時或子均爲修義所建

與

授堂金  
石墩

按魏書汝陰王天賜傳和平三年封汝陰王第五子修義字壽安肅宗初二秦反假修義兼尚書右僕射西道行臺行秦州事爲諸軍節度後爲雍州刺史卒於州諡曰文子均位給事黃門侍郎是修義之子名均不名子均且亦不爲尚書僕射與隋書異北史修義傳所載歷官與魏書同惟修義之

子均仕魏爲給事黃門侍郎後入西魏封安昌王  
位開府儀同三司薨贈司空諡曰平均之子則字  
孝規則之弟矩字孝矩西魏時襲祖爵始平縣公  
拜南豐州刺史隋文帝時拜少冢宰位柱國賜爵  
洵陽郡公又拜壽州總管領行軍總管轉涇州刺  
史卒於官諡曰簡以兩書考之修義未嘗有始平  
縣公之封而北史乃云孝矩西魏時襲祖爵始平  
縣公且矩之父均入西魏封安昌王矩何以不襲  
父爵而襲祖爵此北史之可疑者也又修義均矩  
俱未嘗爲洛州刺史此碑稱父洛州刺史始平公

父碑立於太和年其時未分東西魏則非西魏時  
之始平公或是另一人非卽元均及孝矩也吾友  
謝蘊山方伯作西魏書亦未加核證俟再考之

### 孫秋生等造像記

石高五尺六寸廣二尺二寸分兩截上截記十三行  
行九字下截俱唯卽姓名十五行行三十字正書

### 卍子像

大魏太和七年新城縣功曹孫秋生新城縣功曹劉起  
祖二百人等敬造石像一區願國祚永隆三寶彌顯有  
願弟子等榮茂春葩庭槐獨秀蘭楸鼓頽於昌年金暉  
誕照於聖歲現世眷屬萬禱雲歸洙輪疊駕元世父母

及弟子等來身神騰九空迹登十地五道羣生咸同北

願 孟廣達文 蕭顯慶書

唯那程道起孫龍保衛伯余孫祖德衛辰劉俱韓買買

念超□□□□□□□□

唯那夏候文德孫洪龍王洪哲孫洪保夏候文度王洛

州張□□□□□□□□

唯那高伯生劉念祖程万宗衛榮方樊府子王口生和

龍度□□□□諸□□□

唯那孫鳳起夏候文成劉靈鳳楊伯醜衛天念衛靈刺

韓橡生賈款子賈□□

唯那吳靈口劉吳樂夏侯三郎王樂祖劉仲起高叔齊  
綏祖口輩山口走道口

唯那王承口郭志相孫頑孫豐書衛國樹高文照馬佰  
遺高環保方豫州張廿

唯那賈道柱孫鐵懃孫道高玠國孫陽高天保高參王  
天愛楊始宗高口孫廿

唯那馮靈恭李定趙龍樹魏靈功魯伏敬郭靈淵董雀  
王洛都董万遮李口檀

唯那傅定香孫豹孫龍起吳龍震吳仲孫方洛州尹文  
遠田文安毛洪口楊方

金史卷之二十七  
三  
唯那衛方意孫天敬趙光祖姜龍起姜清龍趙天具楊  
榮祖趙環伯諸葛磨介

唯那米法興司馬雙張顯明倉景環王文才陶靈環陶  
晉國許靈壽王拔張雙

唯那董光祖衛口口劉洪慶高及祖李肅子景祖憐趙  
醜奴王韻口王雙劉洛

唯那孫侯伯孫壽之孫石荷道成杜万歲趙祖歡宋小  
才張万度劉道義宋俱

唯那朱安盛上管犁上官毛郎衛勝賈苟生麻黑奴賈  
龍淵賈雙王董伯壽口

唯那朱祖香解廷僑董伯初

景明三年歲在壬午五月戊子朔廿七日造訖

邑子中散大夫口陽太守孫道務

寧遠將軍中散大夫潁川太守安城 口白犢

按此碑記新城縣功曹孫秋生等二百人造像之事  
魏書地形志高陽郡領縣九新城其一也碑中所列姓名皆稱維那惟孫道務一人稱邑子所造者又係佛像而額題邑子像三字孫道務及安城口白犢二行分刻額上邑子像三字之左右義皆不可曉魏書釋老志若爲三寶巡民教化者在外

齊州鎮維那文移在臺者齋都維那等印牒然後聽行違者加罪又翻譯名義南山之聲論翻爲次第謂知僧事之次第寄歸傳云華梵兼舉也維是網維華言也那是梵語刪去揭磨陀三字也僧史略云梵語揭磨陀那譯爲知事亦云悅眾謂知其事悅其眾也稽其佛世飲光統眾於靈鷲身子並事於竹林音義指歸云僧如網假有德之人爲綱繩也隋智琳潤州刺史李海游命琳爲斷事綱維邈後寺立三綱上座維那典座也此碑稱維那因附詳于此造像始於太和七年訖於景明三年相

距二十年歷時爲已久矣

比邱法生造像記

石高一尺五寸五分廣一尺四寸五分十一行行十三字正書

夫抗音投淵美惡必酬振服依河長短交目斯乃德音  
道俗水鏡古今法生傲逢 孝文皇帝專心於三寶又  
遇北海母子崇信於二京妙演之際屢叨末筵一降淨  
心忝充五戒思樹芥子庶幾須弥今爲 孝文并北海  
母子造像表情以申□□□□生□始王□□□□風□歸  
功帝主万品衆生一切同福

魏景明四年十二月一日比邱法生爲 孝文皇帝

并北海王母子造

按碑爲景明四年十二月立末題比邱法生爲孝  
文皇帝并北海王母子造考北海王詳字季豫孝  
文之弟太和九年封北海王其母爲高太妃見魏  
書北海王傳詳後獲罪暴死沙門之造像求福亦  
何益哉

石門銘

銘高七尺四寸廣九尺二寸二  
十八行每行二十二字正書

此門蓋漢永平中所穿將五百載世代綿迴老夷遁作  
乍開乍閉通塞不恒自晉氏南遷斯路廢矣其崖岸崩

淪剛閣堙禘門南北各數里車馬不通者久之攀蘿捫  
葛然後可至皇魏正始元年漢中獻地裏斜始開至于  
門北一里西上鑿山爲道口岨口迂九折無以加經途  
巨礙行者苦之梁秦初附寔仗才賢朝難其人裏蒞良  
牧三年

詔假節龍驤將軍督梁秦諸軍事梁秦

二州刺史秦山羊祉建旗幡漾才境系邊蓋有叔子之  
風焉口天嶮難升轉輸難阻表求自迴車已難開創舊  
路才口口口之勞就方軌之逸詔遣左拔令賈三德領  
口口口口口帥口口人共成其事三德巧思機發精解  
冥會雖元凱之梁河德衡之損躡未足偶其奇起四年

十月十日訖永平二年正月畢功闊廣四丈路廣六丈  
皆□□棧□□□□及□週□□□□二百餘里連軸  
駢轡而進往哲所不工前賢所輟思莫不夷通焉王生  
履之可無臨深之歎葛氏若存幸息木牛之勞於是畜  
產鹽鐵之利統錦蜀髦之饒充□川內四民富實百姓  
息肩壯矣自非思埒班爾籌等張蔡忠公忘私何能成  
其事哉乃作銘曰

龍門斯鑿大禹所彰茲巖迺穴肇自漢皇導此中國□  
奠四方其功伊何旣逸且康去深去阻匪閭匪梁西帶  
汧隴東控樊襄河山惟□□德是強昔惟畿甸今則開



永平元年餘功至二年正月訖手開復之年同日永平  
今古同前極矣後之君子異世同聞焉

右魏石門銘云此門蓋漢永平中所穿自晉氏南遷  
斯路廢矣皇魏正始元年漢中獻地褒斜遂開假節  
龍驤將軍梁秦二州刺史羊祉開創舊路詔遣左枝  
令賈三德共成其事起四年十月訖永平二年正月  
畢功其餘文字尚完而其大略如此石門在漢中所  
謂漢永平中所穿者乃明帝時司隸校尉楊厥所開  
也厥自有碑述其事甚詳正始永平皆後魏宣武年

號也

集古錄

右石門銘蓋述龍驤將軍梁秦二州刺史泰山羊祉  
開通石門之功魏書宣武紀正始四年九月甲子開  
斜谷舊道卽其事也碑云起四年十月十日至永平  
二年正月畢功而史書於四年九月者據奉詔之日  
言之耳北史羊祉傳不書開斜谷道事此史文之闕  
漏當據石刻補之碑云皇魏正始元年漢中缺地卽  
梁天監三年也是歲夏侯道遷背梁歸魏梁史書魏  
陷梁州於二月當得其實魏收史書於閏十二月溫  
公通鑑據長歷梁置閏在次年正月後遂移於後

年非也

潛研堂金  
石文跋尾

遠無書名而碑字超逸可愛又自歐趙以來不著錄  
尤可寶貴也序文有云此門爲漢永平中所開卽指  
鄗君事言之鄗君爲漢中太守甚有功於民而史志  
家皆不載其人碑又遺其名字余甚惜之

關中金  
石記

按銘序云此門蓋漢永平中所穿將五百載是指  
漢明帝永平六年癸亥歲漢中太守鄗君所開石  
門也自漢永平癸亥至魏宣武帝永平二年己丑  
實四百四十七年云將五百載者約略之詞也集  
古錄云漢永平中所穿者乃明帝時司隸校尉楊  
厥所開考楊孟文所開者事在桓帝建和二年洪

氏隸釋有其文非明帝永平中事歐公蓋誤記耳  
魏書世宗紀正始元年閏十二月癸卯朔蕭衍行  
梁州事夏侯道遷據漢中來降卽序所稱正始元  
年漢中獻地事銘後別有磨崖一段不著記者姓  
名蓋以前後開石門皆在永平年爲異事而記之  
也

### 嵩顯寺碑

碑高六尺七寸廣三尺三寸下截殘缺起末不  
可識僅存二十一行行三十一字正書篆額  
勅賜嵩顯禪寺碑記



□□□□□□□□□□缺神□□□□□□□□不夜

者也□□□□垂慈暉□□□□□□之上久□□□□

缺□□億載之下□□大千□□□□□□隱□弗恒□

乎□□□□□□常□□□□□缺□□□□廣□樹應□世

豈□□□道風施□法雨者哉□惟

缺帝陛下纂統重光紹隆□□□□三□道均五□下

□□□□□□□□乃□□缺源□□法□慧□既振普

天閭般若之音□□□□率土□□□□之□□□□□

缺場斯□矣自惟啟□異方樹基□□□□□□□□著姓

□州□□□□□□□□□□缺得□聯朝旭眺親□□

丙秉□□之□外□□□之□入□□□出□□□

□<sup>缺</sup>冲波□津潏液寒□貫春日之□□□□辰之

蔚□□□□□□□□□<sup>缺</sup>漑而□心冈謝□仰

慕□□報施之□□□聖□□□之旨□□□□□

□□<sup>缺</sup>□□□岑□□□□上□冲天之峰下□□□

之險□□□□□□□□□<sup>缺</sup>槩屈□□瞻禮現

成□若□神乃□□□□堅□□□□□至□□之

□□在<sup>缺</sup>□世之□干□□□方形□妙茗茗□□熱

去□□□□□□□□□□<sup>缺</sup>斯誠莫□□鍾

於□□□□□於道□述□休風遂□頌曰

修哉渾源□化現□□氣既□□□形紛□競耀□

□□□□□□□□□□缺□□至謨□□□□□□

三界□□大千□□□□□□□□□□□□弗恒□□□

缺聖皇冲□靈液□□□□□□□□□□風□□□□

□□□□□□□□□□缺□□盛德二后經綸□

光□□□允□臣帝□□陽□□□□□□□□□□

□缺□□□□峰□□□風雲交□□□□□□□□□

□聖容□□樹銘興□□

大魏□平二年歲在己丑四月戊申□八月乙卯□

□□□□□□□□

□□□□□□□□□□

### 比丘尼法衍造像記

碑橫廣八寸五分高七寸五分  
分八行行九字八字正書

永平三年四月四日比丘尼法衍虔用敬心造定光石  
像一區并二菩□□願永離□□無有苦患願七世父  
母□緣眷屬現在師□亦□共福□令一切眾生咸同  
斯慶

### 伽和寺造像記

石橫廣一尺零五分高五寸五分  
分十行行四字至八字行書

永平四年十月七日伽和寺尼道僧喚造弥勒像一區

生生世世見佛問法清信女周阿足願現世安隱一切  
眾生普同斯願

按字書無𠄎字寺名𠄎和無考啗造之啗字亦不  
可識洛州郟城老人碑凡清信女皆只著姓此云  
周阿足則并著其名也現世安隱揚子方言隱定  
也玉篇隱安也此云安隱疑卽後人安穩之義

司馬元興墓誌銘

行高二尺五寸廣二尺共十七  
行每行二十二字正書在孟縣

魏故寧川將軍固州鎮將鎮東將軍漁陽太守宜陽子  
司馬元興墓誌銘

君諱紹字元興河內溫人也晉河閒王右衛將軍灌殿  
騎常侍中護軍使持節侍中太尉公贈車騎大將軍儀  
同三司諡曰武王欽之元孫晉河閒侍中左衛將軍贈  
使持節鎮西將軍荊州刺史諡曰景王曇之之曾孫晉  
淮南王祕書監遷使持節鎮北將軍徐兗二州刺史晉  
祚流移姚授冠軍將軍殿中尚書大魏蒙授安遠將軍  
丹陽侯贈平西將軍雍州刺史諡曰蘭公叔璠之孫寧  
朔將軍宜陽子駙騎府從事中郎鎮西將軍略陽王府  
長史道壽之子君夙夔明頽慕承徽烈洪業方隆生志  
未遂以魏太和十七年歲次戊申七月庚辰朔十二日

金石錄卷二十一  
三〇  
壬子薨於第以永平四年歲次辛卯十月癸亥朔十一日癸酉遷葬在溫城西北廿里記之

遙哉遠奠緬矣鴻胥承苻紹夏作賓於周貞明代襲奕世宣流誕生夫子刻慕徽猷崇基方構嘉業始脩蘭摧始夏桂折未秋感戀景行式述遺休

右魏司馬元典墓誌銘與後司馬景和妻墓誌銘司馬景和墓誌銘司馬進宗墓誌銘於乾隆二十年間同時出土其地在今縣東北八里葛村蓋父子夫婦宗族合葬於此故其出亦同時也諸誌初出爲縣學生張大士購得其三復有韓姓者買得是誌以贈河

內劉姓今自劉姓轉入孫姓人家孟人欲贖歸不得  
僅宛轉得紙本因載其文如有碑誌稱元興爲河  
內溫人葬於溫城西北廿里按太平寰宇記云古溫  
城在溫縣西南三十里周司寇蘇忿生邑漢爲縣東  
魏天平中移縣於古城東北七十里隋大業十三年  
又移於今理溫縣志亦同云古溫城卽今所謂樂安  
寨者是也以里數地望考之葛村正在古溫城西北  
二十里蓋後此三十年溫縣始移而此則正在其未  
移之前者也又其時河陽城在野戍似以溟爲界故  
此地屬溫厥後孟州城移于今所則以沈爲界地遂

爲孟境矣是可想見昔之疆域焉又按此誌序其世  
系甚詳其所云武王欽者見於晉書河閒王司馬  
傳末蓋元帝以嗣河閒者但官階不具唯穆帝紀永  
和九年書遣太尉河閒王欽修復五陵及哀帝興寧  
元年三月書散騎常侍河閒王欽薨而已其右衛將  
軍中護軍使持節侍中及贈諡皆略而不載又所謂  
景王曇之者亦見於孝武帝紀太元九年十月所書  
河閒王曇之薨而已其官階贈諡俱不見焉是此誌  
云云足補晉書之缺略至云簡公叔璠者魏書本傳  
亦稱父爲曇之及歸魏爲安遠將軍丹陽侯至誌所

云在晉爲淮南王祕書監鎮北將軍并刺徐兗二州  
及在姚秦爲殿中尚書入魏有卒後贈諡則魏書北  
史皆缺而不載而於其長子靈壽之卒則又載其贈  
諡是史疎而此密又魏書載道壽爲寧朔將軍丹陽  
侯而誌所云爲驃騎府從事中郎鎮西將軍略陽王  
府長史魏書皆略而不載則史略而誌詳也又魏書  
云道壽長子元興襲父爵則似但名元興者而誌稱  
諱紹字元興是尤足正史氏之誤焉又誌稱永平四  
年歲次辛卯者在南朝當梁武帝天監十年與史相  
應唯所稱魏太和十七年歲次戊申者則作誌者之

誤按通鑑太和十七年當齊武帝永明十一年係癸酉而非戊申又所云七月庚辰朔十二日壬子薨者以庚辰推之十二日當云辛卯此云壬子皆誤究其所以蓋自太和十七年薨至永平四年遷葬前後相距已十九年故追書而誤耳其誌石殊無損剝書跡廉悍勁折饒有筆力於南朝可敵王僧虔自可稱爲佳書今其石雖已轉徙然孟地乃其自出故旣載其文復屬湯子令名以校志之暇重摹入石存其筆意庶與現存後魏諸刻仍狃斯境而孟人亦不致舊石之相去轉遠也

文內別體如般模疏使朝與之類皆依石本精校非訛寫

孟縣志

右銘題云魏故宣武將軍固州鎮將鎮東將軍漁陽  
太守宜陽子司馬元興墓誌銘而文中絕無一言及  
其官位以題已著之也古人文字之簡如此後代罕  
知此法矣考晉書河間王欽之名僅於河間王洪河  
間王暉兩傳內一再見至欽子曇之則晉書並未見  
其名魏書司馬叔璠傳敘其父曇之爲河間王又不  
言曇之爲欽子得此碑可補晉書之脫漏碑稱欽謚  
武曇之謚景叔璠謚簡亦晉魏二書所未及載也元  
興嘗爲固州鎮將考魏書地形志無固州之名惟析  
州有固郡其卽固州與否俱未可知碑書儀使脩諸

字皆從才旁以隰爲尉以休爲然以遙授爲姚授皆

異文

澤研堂金  
石文跋尾

魏司馬氏誌石近爲吾友魚山所得者凡有四惟元  
興及景和兩誌以土人祕不肯出僅自得一拓本又  
不忍獨藏遂用油紙影摹寄余按其文云云考晉書  
河間平王洪傳內有河間王欽今誌文所云元興謚  
武王欽之元孫卽其人然史未嘗著其詳則史之疎  
也魏書司馬叔璠傳但云父曇之亦不載其歷官贈  
謚至云司馬德宗河間王桓元劉裕之際叔璠與兄  
國璠北奔慕容超後西投姚興裕滅姚泓北奔屈丐

世祖平統萬兄弟俱入國按之誌文晉祚流移姚授  
冠軍將軍殿中尚書則當叔璠西投姚興時其官階  
所歷已如此矣又誌文云大魏蒙授安遠將軍丹陽  
侯與史傳同其贈平西將軍雍州刺史諡曰簡公傳  
更未之及叔璠次子道壽史載其爲寧朔將軍宜陽  
子與誌文合惟誌言驃騎府從事中郎鎮西將軍略  
陽王府長史傳亦略而不書宜皆取後于此文也元  
興亦見魏書但云道壽長子元興襲父爵而已今誌  
石題首魏故寧朔將軍固州鎮將鎮東將軍漁陽太  
守宜陽子史指其襲父爵以寧朔將軍宜陽子並與

道壽父爵同也然誌文云君諱紹字元興史錄其字而佚其名其爲缺記豈小失也哉別體字驟作駟乘作粟類作頑克作剡休作休

授堂金石跋

按此碑敘高曾祖考歷世官爵潛研授堂二敗考之已詳此文序與銘共約三百字而敘先世銜名居其十之六敘司馬元興本事只夙稟明穎纂承徽烈洪業方隆生志未遂十六字而已下敘卒葬年月末云記之後有銘詞不加銘曰二字皆與他碑異式又按炙穀子曰齊王儉云石誌不出禮典起宋元嘉中顏延之爲王琳作石誌以其無銘諫

故以紀行自爾遂相祖習益南朝禁墓誌故僅載其官爵不敘功勳昶自得保母磚後始得此碑耳又按三代時廟碑以麗牲墓碑以下迄故各有圖穿而無文字世所傳孔子題吳季札墓碑偽妄殆不足信羸秦石刻亦皆摩崖爲之未聞別豎碑石也西京雜記稱前漢杜子春臨終作文刻石埋於墓前博物志載西京時南宮寢殿有醇儒王史威長葬銘此實志銘之始今皆不傳王史威長之銘止八句三十二字則亦如趙岐刻石僅識時代姓名之類東漢碑額皆書某君之碑惟曲阜孔君碑

出于墓中額止孔君之墓四字其卽如後世之墓志歟然叙事文頗簡質與他漢碑無異蓋志石高不過二三尺橫亦如之壙中爲地甚隘所容止此故其爲文不過略叙生平梗槩使有陵谷變遷之日後人可以識其墓處覘其行誼而已若文繁卽不能大書深刻刻之亦易致磨泐固與神道碑墓表碣舉事直書暢所欲言者其例各殊矣魏晉之文尙仍古法六朝則純尙駢體雖文采華贖而史家據以作傳轉多失實唐之初盛尙沿舊制韓柳諸公所撰志文亦皆叙事肅括言簡意該故昌

黎集中惟韋丹墓志篇幅稍長餘皆無過千字者以之勒石納壙猶恢乎有餘也唐末間多千字以外之文而北宋蘇氏弟兄出遂有至四五千字者此則斷難刻置墓中故碑志爲二蘇所撰無出土者卽今所見諸志亦無冗長如蘇文者或當時刻之立於壙外或橫卧於柩旁然何以終不傳於後世或竟撰文存集而實未鐫刻者皆不可知矣明王止仲著墓銘舉例所取惟十五家之文未有拓本故秀水朱氏欲舉漢魏六朝金石各例以補其未備昶嘗取前代諸碑志攷之有載遠近祖父世

系及弟兄妻子並子孫女孫女敘述不同葬地有書有不書或書而不詳或不書卒時年月或不書葬時年月而所配合葬與否亦詳略互異細推其故蓋漢魏時墓志墓碣等文原無程式晉宋齊梁各代又剽刻石之事獨北魏人頗多志墓者然其時屢經喪亂地盡邊圉所志者大抵武臣悍卒或出自諸蕃而田夫牧隸約畧記之其書法不參經典草野粗俗無足怪者卽隋唐諸志其撰文察書不必定爲通儒煩蕪鄙陋之作雜出其間不能盡足爲例也昶錄此編旣已各載全文其中敘事繁

簡銘詞長短及書題前後空格踈密悉仿原刻摹  
錄好古者擇而取之當亦知所從事矣因跋司馬  
誌後謹述其故以詢後之君子

### 安定王造像記

石橫廣一尺五寸高一尺四分十  
五行行十字正書在洛陽龍門

### 華州刺史安定王造石窟像記

皇魏永平四年歲次辛卯十月十六日假節督華州諸  
軍事征虜將軍華州刺史安定王仰爲亡祖親 大妃  
亡考太傅靜王亡妣蔣如敬造石窟一軀依般袞早刊  
崇冲室妙鑄靈像外相顯發工績般儀凝華口極敬恃

白不考錄卷二十七  
三  
此福上資先尊口使捨此塵軀卽波真境口口六通口  
屬口口值遇口口早登十地又居口口口口祥照口  
永作山河口口口世一切含生普同口願

魏書安定王休傳云蠕蠕犯塞出爲使持節征北大  
將軍撫冥鎮大將休身先將士擊虜退之入爲內都  
大官遷太傅及開建五等食邑二千戶薨諡曰靖王  
卽此所謂太傅靜王也靖靜同字傳又云次子燮除  
下大夫世宗初襲拜大中大夫除征虜將軍華州刺  
史卽造像人官爵悉合史無假飾督華州諸軍事乃  
其疏記文皇魏字從委鬼聲與古文合俗皆省山又

云依巖裏宇以袞爲抱亦用古字惟宇作宇謬甚州

金石記

按魏書列傳景穆皇帝十四男次於第十三者卽安定靖王休也王爲孟椒房生碑所稱亡祖親口太妃者乃孟太妃也休以太和十八年薨下距造像時永平四年又十八年矣次子燮以世宗初襲父爵故題稱華州刺史安定王

劉洛眞造像記

石不知高幾許記  
十一行行八字

延昌元年歲次壬辰十一月丁亥朔四日清信士弟子

劉洛真兄弟爲亡父母敬造弥勒像二區使亡父母託  
生紫微安樂之處還願七世父母師僧眷屬見在居門  
老者延年少者益筭使法□□生一時□佛咸願如是  
張相隊造像記

像高二尺三寸廣一尺四寸記刻于座上十二行行四字五六字不等正書

延昌二年歲在癸巳三月乙卯初廿九癸未相爲眷屬  
造天尊一區願大小口從心息男胡女息男□□息女  
羅朱胡妻楊興文

道士張相隊 相妻姚口姬 相妻口口口  
金石萃編卷二十七終